

Kuv Yuav Tuaj Yeem Pab Tau Li Cas?

Cov lus qhia rau lub zej zog txog Kev Xaiv Tsa

Peb uas yog Minneapolis Feem Hauj Lwm Pab Cuam Kev Xaiv Tsa thiab Tus Neeg Pov Npav (Minneapolis Elections & Voter Services) muaj kev zoo siab rau peb lub zej zog. Txhua lub xyoo uas muaj kev xaiv tsa, Minneapolis pom tau tias yeej muaj cov neeg tuaj pov npav coob heev thiab cov niam txiv pej xeem yuav tuaj pab—tsis hais yog los ntawm kev tuaj pab ua hauj lwm ntawm qhov chaw xaiv tsa los sis kev pab tus neeg zej zog thov daim npav xaiv tsa. Xws li peb lub chaw ua hauj lwm lo lus hais tias: **Koj Lub Nroog. Koj Yog Tus Pov Npav.** Hauv qab no yog cov hau kev yooj yim thiab tsis tuaj tog twg uas koj tuaj yeem txhawb pab cov neeg xaiv tsa thiab pab ua kom ntseeg tau tias muaj kev xaiv tsa yam tsis khuam tes khuam taw thiab yooj yim rau txhua leej txhua tus.

1

Qhia cov ntaub ntawv hais txog kev xaiv tsa uas raug raws qhov tseeb

Pab ua kom ntseeg tau tias cov neeg pov npav yeej muaj cov ntaub ntawv qhia ntxaws uas raug raws qhov tseeb los ntawm kev qhia cov ntaub ntawv tseem ceeb xws li hnuv tim, lub sij hawm, thiab qhov chaw pov npav. Txoj hau kev zoo tshaj plaws los ua kom ntseeg tias yeej muaj tseeb ces yog kev ua raws thiab faib qhia cov ntaub ntawv raws cai uas muab los ntawm Minneapolis Feem Hauj Lwm Pab Cuam Kev Xaiv Tsa thiab Tus Neeg Pov Npav:

vote.minneapolismn.gov



2

Muab cov ntaub ntawv faib qhia ua ntau hom lus

Yog koj hais tau ntau hom lus, ces koj tuaj yeem pab xyuas kom ntseeg tau tias cov ntaub ntawv tseem ceeb hais txog kev xaiv tsa yeej mus txog cov tswv cuab hauv koj lub zej zog lawm.

3

Txhawb kom cov neeg tsim ib txoj phiaj xwm npaj rau kev pov npav

Ceeb toom kom lwm tus tib neeg txiav txim siab ua ntej tias seb lawv yuav pov npav thaum twg thiab yuav pov npav li cas—tsis hais yog kev pov npav ua ntej, xa raws tsev pais xab nis, los sis mam pov nyob rau Hnuv Xaiv Tsa los xij.

4

Pab lwm tus tshawb nrhiav tej kev xaiv txog kev pov npav

Tej zaum ib txhia neeg yuav tsis paub txog txhua txoj kev xaiv uas muaj. Piv txwv li, kev pov npav ntawm ntug kev yuav ua kom cov neeg pov npav uas muaj cai tsim nyog tuaj yeem pov npav tau los ntawm lawv lub tsheb yog tias lawv tsis tuaj yeem nkag tau mus rau hauv qhov chaw pov npav. Txhawm rau kawm paub ntu ntxiv txog cov kev xaiv txog kev pov npav, tiv tauj rau **311** mus thov kev pab.

5

Ua hauj lwm thaum lub sij hawm pov npav ua ntej lawm

Kev pov npav yuav pib 46 hnuv ua ntej txog Hnuv Xaiv Tsa, uas yog yuav muab lub hwiw tsam ntau ntxiv los txhawb kom cov neeg tuaj mus pov npav tim ntsej tim muag thiab pab tus txheej txheem ua cov ntawv pov npav yam yus tsis tuaj.

6

Ua Tus Kws Txiaiv Txim txog Kev Xaiv Tsa

Cov Kws Txiaiv Txim txog Kev Xaiv Tsa yog ib qho tseem ceeb rau kev ua hauj lwm nyob rau Hnuv Xaiv Tsa. Cov kws txiaiv txim no yuav pab tshuaj xyuas cov neeg pov npav, muab cov npav xaiv tsa, thiab muab kev pab mus thoob plaws tus txheej txheem pov npav ntawm cov chaw pov npav. Peb txais cov foos thov tuaj pab ua hauj lwm mus thawm xyoo. Txawm hais tias peb tau txais cov ntawv thov ntau heev thiab yuav muab faib ua hauj lwm yam sib npaug raws li kev koom nrog ib tog twg thiab raws li tej kev xav tau ntawm zej zog (xws li kev txawj lus) los xij, tab sis peb txhawb kom txhua tus los thov—txawm tias koj tsis raug xaiv kiag tam siv los xij.

7

Pab cov neeg zej zog teev npe pov npav los sis thov daim ntawv pov npav xa raws tsev pais xab nis yam yus tsis tas tuaj mus

Koj tuaj yeem pab lawv ua daim ntawv teev npe pov npav los sis daim ntawv thov pov npav yam yus tsis tuaj kom tiav tau yog tias tus neeg pov npav thov txog. Pab qhia lawv ua raws tus txheej txheem uas yog siv cov peev txheej raws cai. Mus saib vote.minneapolismn.gov txhawm rau nrhiav cov chaw txuas los sis cov foos uas muaj luam tawm tau, los sis tiv tauj **311** los thov kom muab daim foos xa tuaj rau koj.

8

Pab ib tug neeg zej zog xa lawv daim npav xaiv tsa xa raws tsev pais xab nis uas yus tsis tuaj rov qab

Tej zaum cov neeg pov npav yuav xav tau kev pab xa lawv daim npav xaiv tsa uas ua tiav lawm rov qab. Nco ntsoov ua raws li lub lav txhua yam lus qhia uas cuam tshuam thaum pab xa daim ntawv xaiv tsa rov qab.

9

Pab thauj mus rau qhov chaw xaiv tsa

Tsheb thauj mus los tuaj yeem yog ib qho teeb meem rau qee tus neeg pov npav. Kev pab tsheb thauj mus los rau ib tus neeg zej zog los sis cov neeg hauv zej zog yuav tuaj yeem pab ua kom lawv tuaj yeem mus pov npav tau.

10

Txhawb pab kev siv zog nkag mus cuag tus neeg pov npav

Ua hauj lwm pab dawb los sis faib qhia cov ntaub ntawv los ntawm cov chaw uas ntseeg siab tau thiab tsis koom nrog tog twg uas tsoom mus rau kev qhia paub thiab kev nkag mus siv tau yooj yim.